

06

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
GRAD ZENICA
GRADSKO VIJEĆE

Na osnovu člana 21. tačka 5. Statuta Grada Zenica ("Službene novine Grada Zenica", broj: 5/15) i člana 39. Poslovnika Gradskog vijeća („Službene novine Grada Zenica", broj: 4/17, 4/20 i 10/21), Gradsko vijeće Zenica, na svojoj 20. sjednici održanoj dana 22.02.2022. godine, donijelo je

**PROGRAM MJERA ZA
UTROŠAK PODSTICAJNIH SREDSTAVA U OBLASTI POLJOPRIVREDE U 2022. GODINI**

1. Podaci o Programu

Program mjera za utrošak podsticajnih sredstava u oblasti poljoprivrede u 2022. godini temelji se na osnovu odobrenih sredstava iz Budžeta Grada Zenica, a sa pozicije „Podsticaji poljoprivrednoj proizvodnji“.

2. Realizacija Programa

Podsticaji za ovaj Program se odnose na poljoprivrednu proizvodnju u 2022. godini.

3. Iznos sredstava

650.000,00KM

4. Namjena sredstava

- Podsticaji u primarnoj poljoprivrednoj proizvodnji
- Ostale vrste podsticaja

5. Korisnici Programa

Poljoprivredni proizvođači, zadruge, te fizička i pravna lica upisana u Registar poljoprivrednih gazdinstava i Registar klijenata.

6. Izvor sredstava

Budžet Grada Zenica za 2022. godinu, ekonomski kod 614500, sa pozicije 97- Podsticaji poljoprivrednoj proizvodnji.

I UVOD

Članom 26. Zakona o poljoprivredi ("Službene novine FBiH", broj: 88/07,04/10,07/13) propisano je da jedinice lokalne samouprave mogu osigurati novčane podrške za razvoj poljoprivrede, te u skladu sa istim u Budžetu Grada Zenica za 2022. godinu, obezbijedena su sredstva u ukupnom iznosu od 650.000,00 KM. Na ovaj način se nastavlja kontinuirano izdvajanje budžetskih sredstava za poljoprivredu na području Grada Zenica.

Programom mjera utroška podsticajnih sredstava u oblasti poljoprivrede u 2022. godini na području Grada Zenica (u nastavku teksta: Program) podstiču se poljoprivredni proizvođači na proizvodnju poljoprivrednih proizvoda za vlastite potrebe kao i za potrebe tržišta, kako bi obezbijedili egzistenciju sebi, svojoj porodici, te ostvarili dodatne prihode.

Prilikom izrade Programa uvažene su sljedeće činjenice:

1. Kontinuitet podsticajnih mjera i iskustva iz realizacije istih u 2021. godini
2. Resursni kapaciteti iz oblasti poljoprivrede na području Zenice
3. Sugestije i prijedlozi poljoprivrednih udruženja i otkupljivača sa područja Grada Zenice
4. Iznos odobrenih sredstava za ovaj Program iz Budžeta Grada Zenica za 2022. godinu

Specifični ciljevi Programa su:

- povećanje obradivih površina i intenziviranje poljoprivredne proizvodnje,
- stvaranje tržišno orijentisanih poljoprivrednih proizvođača,
- formiranje poljoprivrednih gazdinstava,
- očuvanje i proširenje stočnog fonda,
- olakšavanje samozapošljavanja u poljoprivredi i smanjenje stope nezaposlenosti na području Grada,
- razvoj ruralnih područja.

Po usvajanju ovog Programa, Služba za privredu, gradsku imovinu i upravljanje razvojem će putem sredstava javnog informisanja obavijestiti poljoprivrednike o aktuelnim podsticajnim mjerama, kao i kriterijima koji moraju biti ispunjeni da bi podsticajna sredstva bila odobrena.

II OPĆI KRITERIJI

Pravo na dobijanje podsticaja u skladu s Programom mjera mogu ostvariti poljoprivredni proizvođači:

1. Koji imaju zemljište na području Grada Zenice ili graničnim općinama s Gradom Zenica, izuzev pčelara.
2. Porodična poljoprivredna gazdinstva i fizička lica (obrtnici kojima je poljoprivreda osnovna, dodatna ili dopunska djelatnost), koji su upisani u Registar poljoprivrednih gazdinstava i Registar klijenata (u daljem tekstu RPG i RK) u Gradu Zenica do

31.03.2022. godine. Podnosioci zahtjeva koji su upisani do 31.12.2021. godine, moraju imati ažurirane podatke u RPG i RK sa 31.03.2022. godine.

3. Lica koja blagovremeno podnesu zahtjev za podsticaj s potrebnom dokumentacijom i ispune sve propisane kriterije.
4. Zahtjev za jednu ili više vrsta proizvodnje podnosi nosilac poljoprivrednog gazdinstva (za svaku vrstu proizvodnje podnosi poseban zahtjev), a za istu proizvodnju ne može ostvariti podsticaj po dva osnova. Podnošenje zahtjeva se vrši u predviđenim rokovima za svaku vrstu podsticaja. Zahtjev će sadržavati sljedeće podatke: prezime i ime, mjesto stanovanja, telefon, JMB, broj tekućeg računa banke, tačnu vrstu proizvodnje za koju podnosi zahtjev, kao i ostale dokumente koji su predviđeni za svaku pojedinačnu vrstu proizvodnje.
5. Svaki podnosilac zahtjeva će potpisati izjavu o tačnosti podataka na propisanom obrascu. Ukoliko se prilikom kontrole utroška podsticajnih sredstava utvrdi da korisnik nije dao tačne podatke, isti će biti isključen iz Programa podsticaja Grada Zenica u narednih 5 godina.
6. Svi podneseni zahtjevi moraju biti u skladu sa ažuriranim podacima iz RPG i RK (brojem parcele/a, izjavama-ugovoru o korištenju zemljišta, ukoliko nije u vlasništvu podnosioca zahtjeva, površinama pod prijavljenom kulturom i sl.) u Službi za privredu, gradsku imovinu i upravljanje razvojem.
7. Služba za privredu, gradsku imovinu i upravljanje razvojem će službeno provjeriti ažuriranje podataka i uporediti ih sa podnesenim zahtjevom.
8. Ispunjavanje kriterija u svakom pojedinačnom slučaju će utvrđivati Komisija za podsticaje u poljoprivredi, imenovana od strane Gradonačelnika. Nakon provjere dokumentacije, sačinjavanja zapisnika, ukoliko se na terenu ne može uraditi kontrola, komisija na osnovu podnesene dokumentacije obračunava visinu pojedinačnih sredstava za svakog korisnika. Po odobravanju sredstava, ista će biti uplaćena na tekući račun korisnika.
9. Podnosioci zahtjeva, koji ne ispune propisane kriterije i ne podnesu zahtjeve u propisanom roku, biti će pismeno obaviješteni o razlozima zbog kojih su odbijeni.

III IZNOS SREDSTAVA I VRSTA PODSTICAJA

Novčana sredstva koja su odobrena u Budžetu Grada Zenica za 2022. godinu za podsticaje poljoprivrednoj proizvodnji iznose 650.000,00 KM. Sredstva će biti raspoređena u više oblasti poljoprivrede i druge namjene, u skladu sa Programom, i to u:

- A. Podsticaji u poljoprivrednoj proizvodnji
- B. Kapitalna ulaganja u poljoprivredi
- C. Ostala izdvajanja u poljoprivredi

Odobrena sredstva u gore navedenom iznosu će se utrošiti za sljedeće oblasti na način kako je u nastavku teksta predloženo.

NAZIV PODSTICAJA		Planirani iznos sredstava za 2022. godinu (KM)
A/1	Podsticaj za biljnu proizvodnju	171.500,00
1.1	Podsticaj u proizvodnji jagodičastog voća	71.500,00
1.2	Podsticaj u proizvodnji povrća na otvorenom	18.000,00
1.3	Podsticaj u proizvodnji povrća za otkup	17.000,00
1.4	Podsticaj u proizvodnji krmnog bilja	8.000,00
1.5	Podsticaj proizvodnji u zaštićenom prostoru	35.000,00
1.6	Podsticaj za jesenju sjetvu žitarica	8.000,00
1.7.	Podsticaj za podizanje novih zasada maline	10.000,00
1.8	Podsticaj za održavanje zasada jagodičastog voća koji nisu u organizovanom otkupu	4.000,00
A/2	Podsticaji za animalnu proizvodnju	317.000,00
2.1	Podsticaj u proizvodnji kravljeg mlijeka	205.000,00
2.2	Podsticaj u ovčarstvu i kozarstvu	45.000,00
2.3	Podsticaj u pčelarstvu	45.000,00
2.4	Podsticaj proizvođačima pilećeg mesa i konzumnih jaja	20.000,00
2.5	Podsticaj za proizvođače slatkovodne ribe	2.000,00
B	Kapitalna ulaganja u poljoprivredi /finansiranje i sufinansiranje	106.000,00
B1	Refundacija troškova po osnovu doprinosa za registraciju srodne djelatnosti u poljoprivredi (osnovna djelatnost) - novoregistrovani	3.000,00
B2	Proširenje proizvodnje u oblasti poljoprivrede	30.000,00
B3	Sufinansiranje nabavke nove mehanizacije, priključaka, aparata i druge opreme u poljoprivredi	40.000,00
B4	Sufinansiranje projekta	20.000,00
B5	Podrška proizvođačima koji izlažu proizvode na	2.000,00

	sajmovima	
B6	Sufinansiranje zapošljavanja dipl. ing poljoprivrede u Zadruzi	7.000,00
B7	Edukacije za poljoprivredne proizvođače	4.000,00
C	Ostala izdvajanja u poljoprivredi	55.500,00
C1	Ugovorene obaveze prema korisnicima iz prethodnih godina	4.000,00
C2	Podrška proizvođačima koji imaju tržišne viškove iz 2021. godine	51.500,00
	UKUPNO	650.000,00

Ukoliko se planirana sredstva po vrstama novčanih podsticaja iz objektivnih razloga u cijelosti ili djelimično ne iskoriste, ista se mogu preusmjeriti s jedne stavke na drugu unutar Programa mjera.

A. PODSTICAJI U POLJOPRIVREDNOJ PROIZVODNJI

A1 BILJNA PROIZVODNJA

Maksimalno mogući ukupni iznos podsticaja poljoprivrednim proizvođačima - fizičkim licima za biljnu i animalnu proizvodnju (tačke A/1 i A/2) iznosi 5.000,00 KM, a fizičkim licima koja imaju registrovanu poljoprivrednu djelatnost (kojima je to osnovna, dopunska ili dodatna djelatnost) maksimalni iznos podsticaja iznosi 10.000,00 KM.

A 1.1 Podsticaj u proizvodnji jagodičastog voća

Pravo na podsticaj imaju proizvođači jagodičastog voća koji:

- proizvedu i predaju registrovanom otkuplivaču minimalno 500 kg jagodičastog voća.

Visina podsticaja iznosi:

- max 0,25 KM/kg predatog voća za proizvođače koji su registrovali poljoprivrednu djelatnost kao osnovnu ili dodatnu;
- max 0,15 KM/kg predatog voća za proizvođače koji su registrovali poljoprivrednu djelatnost kao dopunsku;
- max 0,13 KM/kg predatog voća za proizvođače koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Ugovor o otkupu voća (na ime podnosioca zahtjeva) sklopljen s registrovanim otkupljivačem/prerađivačem (original/ovjerena kopija).
2. Otkupne blokove ili potvrdu (na ime podnosioca zahtjeva) za predatu količinu od otkupljivača s kojim je sklopljen ugovor (original ili ovjerena kopija).
3. Kopiju potvrde o otvorenom bankovnom računu.
4. Ovjerenu izjavu o tačnosti podataka.
5. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerenu kopiju).

Rok za podnošenje zahtjeva je 31.10.2022. godine.

Predviđena sredstva: 71.500,00 KM.

A 1.2 Podsticaj u proizvodnji povrća na otvorenom

Podsticaj ostvaruju poljoprivredni proizvođači koji su prijavili proizvodnju jedne ili više povrtlarskih kultura na svojim parcelama:

- minimalno zasijana/zasađena površina od 2 dunuma krompira (povrće treba biti na jednoj ili maksimalno dvije fizički odvojene parcele);
- minimalno po jedan dunum ostalog povrća (luk, mrkva, grah, grašak itd.).

Visina podsticaja :

- max 120 KM/dun za proizvođače koji su registrovali poljoprivrednu djelatnost kao osnovnu ili dodatnu;
- max 90 KM/dun za proizvođače koji su registrovali poljoprivrednu djelatnost kao dopunsku;
- max 80 KM/dun za proizvođače koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Kopiju katastarskog plana parcele na kojoj je zasijano/zasađeno povrće ne stariju od jedne godine (original ili ovjerenu kopiju);
2. Ovjerenu izjavu o tačnosti podataka;
3. Kopiju potvrde o otvorenom bankovnom računu;
4. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerenu kopiju).

Rok za podnošenje zahtjeva je 01.06.2022. godine.

Predviđena sredstva: 18.000,00 KM.

A 1.3 Podsticaj u proizvodnji povrća za otkup

Podsticaj ostvaruju poljoprivredni proizvođači koji su prijavili proizvodnju na svojim parcelama:

- imaju minimalno zasađenu površinu od 1 dunuma povrća;
- proizvedu i predaju registrovanom otkupljivaču proizvedeno povrće.

Visina podsticaja je:

- max 0,20 KM/kg za proizvođače koji su registrovali poljoprivrednu djelatnost kao osnovnu ili dodatnu;
- max 0,15 KM/kg za proizvođače koji su registrovali poljoprivrednu djelatnost kao dopunsku;
- max 0,10 KM/kg za proizvođače koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Ugovor o otkupu povrća (na ime podnosioca zahtjeva) sklopljen s registrovanim otkupljivačem/prerađivačem (original ili ovjerena kopija);
2. Otkupne blokove ili potvrdu (na ime podnosioca zahtjeva) za predatu količinu od otkupljivača s kojim je sklopljen ugovor (original ili ovjerena kopija);
3. Ovjerenu izjavu o tačnosti podataka;
4. Kopiju potvrde o otvorenom bankovnom računu;
5. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerenu kopiju).

Rok za podnošenje zahtjeva je 15.10.2022. godine.

Predviđena sredstva: 17.000,00 KM.

A 1.4 Podsticaj u proizvodnji krmnog bilja

Pravo na podsticaj imaju poljoprivrednici koji su zasnovali proizvodnju krmnog bilja (silažni kukuruz ili djeteline) i prijavili proizvodnju na svojim parcelama, odnosno koji su:

- zasijali na površini od 3 dunuma do 20 dunuma,
- zasijali u 2022. godini na najviše dvije fizički odvojene parcele.

Visina podsticaja je:

- max 100,00 KM/dun za proizvođače imaju registrovanu poljoprivrednu djelatnost kao osnovnu ili dodatnu;
- max 80,00 KM/dun za proizvođače koji su registrovali poljoprivrednu djelatnost kao dopunsku;

- max 60,00 KM/dun za proizvođače koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Kopiju katastarskog plana parcele na kojoj je zasijano krmno bilje, ne stariju od jedne godine (original ili ovjerenu kopiju)
2. Račun za kupljeno sjeme od registrovanog proizvođača sjemenskog materijala ili preduzeća registrovanog za promet sjemenskog materijala na ime podnosioca zahtjeva.
3. Deklaraciju o kvalitetu sjemenskog materijala (kopija)
4. Ovjerenu izjavu o tačnosti podataka
5. Kopiju potvrde o otvorenom bankovnom računu
6. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim obavezama za tekuću godinu (original ili ovjerenu kopiju)

Rok za podnošenje zahtjeva je 01.09.2022. godine.

Predviđena sredstva: 8.000,00 KM.

A 1.5 Podsticaj proizvodnji u zaštićenom prostoru

Pravo na podsticaj imaju poljoprivredni proizvođači koji se bave proizvodnjom u zaštićenom prostoru i prijavili su proizvodnju na svojim parcelama odnosno:

- Imaju plastenike minimalne površine 200 m²,
- imaju proizvodnju u plasteniku.

Visina podsticaja je:

- max 2,00 KM/m² plastenika koji su registrovali poljoprivrednu djelatnost kao osnovnu ili dodatnu;
- max 1,50 KM/m² za proizvođače koji su registrovali poljoprivrednu djelatnost kao dopunsku;
- max 1,30 KM/m² plastenika koji nemaju registrovanu poljoprivrednu djelatnost.

Maksimalna površina koja će se podsticati je 700 m².

Uz zahtjev za podsticaj podnosilac treba dostaviti sljedeću dokumentaciju:

1. Kopiju katastarskog plana parcele na kojoj je zasijano/zasađeno povrće, ne stariju od jedne godine (original ili ovjerenu kopiju).
2. Ovjerenu izjavu o tačnosti podataka.
3. Kopiju potvrde o otvorenom bankovnom računu.
4. Podnosioci zahtjeva koji imaju registrovanu poljoprivrednu djelatnost, dužni su dostaviti

Uvjerenje o izmirenim dospjelim poreskim obavezama za tekuću godinu (original ili ovjerenu kopiju).

Rok za podnošenje zahtjeva je 01.06.2022. godine.

Predviđena sredstva: 35.000,00 KM.

A 1.6. Podsticaj za jesenju sjetvu žitarica

Pravo na podsticaj imaju poljoprivredni proizvođači koji su zasijali ozime žitarice i na površini od 2-20 dunuma.

Visina podsticaja je:

- max 80,00 KM/dun za proizvođače imaju registrovanu poljoprivrednu djelatnost kao osnovnu ili dodatnu;
- max 60,00 KM/dun za proizvođače koji su registrovali poljoprivrednu djelatnost kao dopunsku;
- max 40,00 KM/dun za proizvođače koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Kopiju katastarskog plana parcele na kojoj je zasijano/zasađeno povrće ne stariju od jedne godine (original ili ovjerenu kopiju);
2. Ovjerenu izjavu o tačnosti podataka;
3. Kopiju potvrde o otvorenom bankovnom računu;
4. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerenu kopiju).

Rok za podnošenje zahtjeva: 15.04.2022. godine

Planirana sredstva: 8.000,00 KM

A 1.7. Podsticaj za podizanje novih zasada maline

Pravo na podsticaj imaju poljoprivredni proizvođači koji su podigli nove zasade maline u 2021. godini na površini od minimalno 1 dun.

Visina podsticaja je:

- max 0,70 KM/sadnici za proizvođače koji imaju registrovanu poljoprivrednu djelatnost;
- max 0,50 KM/sadnici koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Račun za kupljene sadnice od registrovanog proizvođača sadnog materijala ili preduzeća registrovanog za promet sadnog materijala na ime podnosioca zahtjeva (original ili ovjerena kopija);
2. Deklaraciju o kvalitetu sadnog materijala (kopija);
3. Ovjerenu izjavu o tačnosti podataka;
4. Kopiju potvrde o otvorenom bankovnom računu;
5. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerenu kopiju).

Rok za podnošenje zahtjeva : 29.04.2022. godine

Predviđena sredstava: 10.000,00 KM

A 1.8. Podsticaj za održavanje zasada jagodičastog voća koji nisu u organizovanom otkupu

Pravo na podsticaj imaju poljoprivredni proizvođači koji imaju zasade jagodičastog voća koje nije u sistemu organizovanog otkupa (aronija, američka borovnica i dr.) na minimalnoj površini od 1 dunuma.

Visina podsticaja je:

- max 150,00 KM/dun za proizvođače imaju registrovanu poljoprivrednu djelatnost kao osnovnu ili dodatnu;
- max 130,00 KM/dun za proizvođače koji su registrovali poljoprivrednu djelatnost kao dopunsku;
- max 110,00 KM/dun za proizvođače koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Kopiju katastarskog plana parcele na kojoj je zasijano/zasađeno povrće ^{voće} ne stariju od jedne godine (original ili ovjerenu kopiju);
2. Ovjerenu izjavu o tačnosti podataka;
3. Kopiju potvrde o otvorenom bankovnom računu;
4. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerenu kopiju).

Rok za podnošenje zahtjeva: 14.05.2022.godine

Predviđena sredstva: 4.000,00 KM

A2 ANIMALNA PROIZVODNJA

A 2.1 Podsticaj u proizvodnji kravljeg mlijeka

Pravo na podsticaj imaju proizvođači mlijeka:

- koji imaju potpisan važeći Ugovor o otkupu mlijeka za 2022. godinu sa registrovanim otkupljivačem mlijeka i predaju preko 500 l po kvartalu;
- čije su krave obilježene ušnim markicama i imaju mliječne kartone;
- čije krave su ispitane od strane ovlaštene veterinarske stanice na zarazne bolesti.

Za ovu proizvodnju podsticaji će se isplaćivati kvartalno i to za I, II, III kvartal, te oktobar i novembar 2022. godine kao i decembar 2021. godine iz Programa za 2022. godinu, dok će se podsticaj za proizvodnju mlijeka za decembar 2022. godine isplatiti iz Programa za 2023. godinu.

Visina podsticaja je:

- max 0,11 KM/l koji su registrovali poljoprivrednu djelatnost kao osnovnu ili dodatnu,
- max 0,09 KM/l za proizvođače koji su registrovali poljoprivrednu djelatnost kao dopunsku,
- max 0,07 KM/l koji nemaju registrovanu poljoprivrednu djelatnost.

Uz zahtjev za podsticaj u I kvartalu podnosilac treba dostaviti sljedeću dokumentaciju kao i podnosilac koji prvi put podnosi zahtjev za podsticaj neovisno za koji kvartal ili mjesec u 2022. godini:

1. Dokaz o ispitivanju grla na zarazne bolesti – Prilog V (ovjerena kopija);
2. Važeći Ugovor o otkupu mlijeka s registrovanim otkupljivačem (kopija);
3. Ovjerenu izjavu o tačnosti podataka;
4. Kopiju potvrde o otvorenom bankovnom računu;
5. Potvrdu o otkupljenoj količini mlijeka po kvartalima izdatu od registrovanog otkupljivača svježeg kravljeg mlijeka;
6. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerjenje o izmirenim dospjelim poreskim obavezama za tekuću godinu (original ili ovjerenu kopiju).

Podnosioci koji su predali urednu gore navedenu dokumentaciju, u narednim kvartalima kao i za mjesece oktobar i novembar dostavljaju samo ovjerenu potvrdu o otkupljenoj količini mlijeka.

Rok za podnošenja zahtjeva je:

- za decembar 2021. godine i I kvartal 2022. godine do 15.04.2022. godine
- za II kvartal 2022. godine do 15.07.2022. godine
- za III kvartal 2022. godine do 14.10.2022. godine
- za oktobar i novembar 2022. godine do 09.12.2022. godine

Predviđena sredstva: 205.000,00 KM.

A 2.2 Podsticaj u ovčarstvu i kozarstvu

Pravo na podsticaj imaju proizvođači koji se bave ovom granom stočarstva i to:

- na stado od 50-250 ovaca ili 25-100 koza,
- za obnovu stočnog fonda ostave 30% (od ukupnog broja matičnog stada) ženskih jagnjadi.

Visina podsticaja u ovčarstvu je:

- max 11,00 KM/grlu za obnovu (ovčarstvo), koji su registrovali poljoprivrednu djelatnost kao osnovnu ili dodatnu;
- max 9,00 KM/grlu za proizvođače koji su registrovali poljoprivrednu djelatnost kao dopunsku;
- max 8,00 KM/grlu za obnovu (ovčarstvo) koji nisu registrovali poljoprivrednu djelatnost

Visina podsticaja u kozarstvu:

- max 22,00 KM/ po muznoj kozi koji su registrovali poljoprivrednu djelatnost;
- max 20,00 KM/ po muznoj kozi koji su registrovali poljoprivrednu djelatnost kao dopunsku;
- max 18,00 KM/ po muznoj kozi koji nisu registrovali poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Potvrdu da su sva grla iz stada obilježena i upisana u jedinstveni Registar domaćih životinja u skladu sa Pravilnikom o obilježavanju životinja za grla označena u tekućoj godini (ovjerena kopija);
2. Potvrdu da su jagnjad/jarići vakcinisani protiv bruceloze (ovjerena kopija);
3. Ovjerenu izjavu o tačnosti podataka;
4. Kopiju potvrde o otvorenom bankovnom računu;
5. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerenu kopiju).

Rok za podnošenje zahtjeva je 30.09.2022. godine.

Predviđena sredstva: 45.000,00 KM.

A 2.3 Pčelarstvo

Pravo na podsticaj imaju pčelari koji:

- posjeduju od 15 - 100 košnica,
- su registrovani u jednom od udruženja pčelara Grada Zenica.

Visina podsticaja:

- max 11,00 KM po košnici za podnosiocje zahtjeva koji su registrovali poljoprivrednu djelatnost kao osnovnu ili dodatnu;
- max 9,00 KM po košnici za proizvođače koji su registrovali poljoprivrednu djelatnost kao dopunsku;
- max 8,00 KM po košnici koji nisu registrovali poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Originalnu potvrdu izdatu od strane Udruženja pčelara kojom se potvrđuje da podnosilac zahtjeva član Udruženja.
2. Ovjerenu izjavu o tačnosti podataka.
3. Kopiju potvrde o otvorenom bankovnom računu.
4. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerena kopija).
5. Veterinarsku potvrdu od nadležne veterinarske stanice o broju košnica i zdravstvenoj ispravnosti pčela/kopija za tekuću godinu.
6. Pčelari čije se pčele nalaze na teritoriji druge općine/opštine, prilažu ovjerenu kopiju rješenja o odobrenju za smještaj pčelinjaka, a ukoliko se nalazi na vlastitom zemljištu, Posjedovni list (original ili ovjerena kopija).

Rok za podnošenje zahtjeva je 01.06.2022.

Predviđena sredstva: 45.000,00 KM.

A 2.4 Podsticaj proizvođačima pilećeg mesa i konzumnih jaja

Pravo na podsticaj imaju proizvođači koji:

- imaju registrovanu srodnu djelatnost – obrt u poljoprivredi kao osnovnu djelatnost;
- imaju po jednom turnusu minimalno 5.000 pilića;
- imaju 500 koka nosilica.

Visina podsticaja iznosi:

- max 0,15 KM/piletu za četiri turnusa,
- max 3,00 KM/koki nosilici.

Uz zahtjev za podsticaj podnosilac treba dostaviti sljedeću dokumentaciju:

1. Ugovor o plasmanu brojlera s registrovanim pravim licem za preradu brojlerskog mesa (ovjerena kopija);
2. Kopiju rješenja o dodjeli veterinarskog kontrolnog broja (ovjerena kopija);
3. Kopiju rješenja o registraciji obrta (ovjerena kopija);

4. Dokaz o nabavci pilenki, a koje se nalaze u fazi nošenja jaja (ovjerena kopija);
5. Ovjerenu izjavu o tačnosti podataka;
6. Kopiju potvrde o otvorenom bankovnom računu;
7. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerjenje o izmirenim dospjelim poreskim obavezama za tekuću godinu (original ili ovjerenu kopiju);
8. Dokaz o nabavci jednodnevnih pilića - ovjerena kopija.

Rok za podnošenje zahtjeva je 29.07.2022. godine.

Predviđena sredstva: 20.000,00 KM

A 2.5 Podsticaj za proizvođače slatkovodne ribe

Pravo na podsticaj imaju poljoprivredni proizvođači sa područja Grada Zenica koji su upisani u RPG i RK, a koji se bave uzgojem slatkovodne ribe.

Visina podsticaja:

-iznosi 1.000,00 KM za podnosiocce zahtjeva koji su registrovali poljoprivrednu djelatnost kao osnovnu ili dodatnu;

-iznosi do 500,00KM/korisniku koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u Javnom pozivu.

Predviđena sredstva : 2.000,00 KM.

B. SUFINANSIRANJE KAPITALNIH ULAGANJA U POLJOPRIVREDI

B 1 Refundacija troškova obaveznih doprinosa (PIO, zdravstveno osiguranje i osiguranje od nezaposlenosti) za registraciju srodne djelatnosti - obrta u poljoprivredi kojima je to osnovna djelatnost

Podsticaj za samozapošljavanje u poljoprivredi kroz refundaciju gore navedenih doprinosa će se realizovati u naredne tri godine tako da se za novoregistrovane (u 2022. godini) gore navedeni troškovi refundiraju u iznosu od 100%, u drugoj godini 50% i trećoj godini 25% od ukupnog iznosa.

Podnosioci zahtjeva moraju biti upisani u Registar poljoprivrednih gazdinstava i Registar klijenata kao nosioci i posjedovati minimalno jednu od navedenih vrsta životinja ili se baviti jednom od navedenih proizvodnji, što će komisija utvrditi na terenu:

- minimalno 2 muzne krave,
- minimalno 5 grla tovnih junadi,
- minimalno 50 ovaca,
- minimalno 25 koza,
- minimalno 5.000 tovnih pilića,
- minimalno 500 koka nosilica,

- minimalno 5 rasplodnih krmača,
- minimalno 30 tovnih prasadi,
- minimalno 30 pčelinjih društava,
- minimalno 200 m² plastenika ili staklenika,
- minimalno 2 dunuma pod jagodičastim voćem,
- minimalno 3 dunuma intenzivnih zasada visokostablašica (jabučasto, koštičavo i jezgrasto voće).

Uz zahtjev za podsticaj podnosilac treba dostaviti sljedeću dokumentaciju:

1. Ovjerenu kopiju Rješenja o registraciji djelatnosti-poljoprivreda (osnovna djelatnost);
2. Uvjerenje da pravni subjekat (farma, obrt, itd.) nema neizmirenih obaveza po osnovu poreza i doprinosa (original ili ovjerenu kopiju) za tekuću godinu;
3. Ovjerenu izjavu podnosioca zahtjeva da će nakon potpisivanja Ugovora registrovanu djelatnost održavati u trajanju od najmanje 36 mjeseci;
4. Obavještenje o razvrstavanju djelatnosti prema Klasifikaciji djelatnosti (izdato od strane Federalnog zavoda za statistiku - Kantonalni ured Zenica).
5. Potvrdu o otvorenom aktivnom računu.

Grad Zenica će s odabranim podnosiocima zahtjeva potpisati ugovore kojima će biti regulisani međusobni odnosi.

Troškovi ovih doprinosa će biti uplaćivani sukcesivno na kraju svakog mjeseca nakon dostavljenog obrasca na kojem su vidljive uplate obaveznih doprinosa.

Rok za podnošenje prijave je 30 dana od objavljivanja Javnog poziva.

Predviđena sredstva : 3.000,00 KM.

B 2 Proširenje proizvodnje u oblasti poljoprivrede

Ovim sredstvima predviđeno je finansiranje proširenja poljoprivredne proizvodnje za fizička lica koja imaju registrovanu poljoprivrednu djelatnost kao osnovno ili dodatno zanimanje po Zakonu o obrtu i srodnim djelatnostima.

Podsticajna sredstva po korisniku iznose maksimalno 3.000,00 KM. Odobrena novčana sredstva se mogu utrošiti za nabavku životinja, plastenika i sadnog materijala. Korisnici ovih sredstava mogu biti samo registrovani obrti kojima ova sredstva nisu odobrena i dodijeljena u prethodne tri godine.

Podnosioci zahtjeva moraju biti upisani u Registar poljoprivrednih gazdinstava i Registar klijenata i posjedovati minimalno jednu od navedenih vrsta životinja ili se baviti jednom od navedenih proizvodnji:

- minimalno 2 muzne krave,
- minimalno 5 grla tovnih junadi,
- minimalno 50 ovaca,
- minimalno 25 koza,
- minimalno 5.000 tovnih pilića,
- minimalno 500 koka nosilica,

- minimalno 5 rasplodnih krmača,
- minimalno 30 tovnih prasadi,
- minimalno 30 pčelinjih društava,
- minimalno 200 m² plastenika ili staklenika,
- minimalno 2 dunuma pod jagodičastim voćem,
- minimalno 3 dunuma intenzivnih zasada visokostablašica (jabučasto, koštičavo i jezgrasto voće).

Uz zahtjev za podsticaj podnosilac treba dostaviti sljedeću dokumentaciju:

1. Ovjerenu kopiju Rješenja o registraciji djelatnosti-poljoprivreda (osnovna ili dodatna djelatnost);
2. Uvjerenje da pravni subjekat (farma, obrt, itd.) nema neizmirenih obaveza po osnovu poreza i doprinosa – (original ili ovjerenu kopiju) za tekuću godinu;
3. Ovjerenu izjavu podnosioca zahtjeva da će odobrena novčana sredstva namjenski utrošiti i registrovanu djelatnost održavati minimalno 24 mjeseca;
4. Predračun/ račun o nabavci (kupovini);
5. Obavještenje o razvrstavanju djelatnosti prema Klasifikaciji djelatnosti (izdato od strane Federalnog zavoda za statistiku - Kantonalni ured Zenica);
6. Potvrdu o otvorenom aktivnom računu.

Grad Zenica će sa odabranim podnosiocima zahtjeva potpisati ugovore u kojima će biti regulisana međusobna prava i obaveze. Zbog ograničenih sredstava prednost će imati poljoprivredni proizvođači koji prvi put apliciraju.

Jedan poljoprivredni proizvođač može biti korisnik samo jednog podsticaja, pozicije B1 ili B2 (zadnje tri godine).

Rok za podnošenje zahtjeva je 30 dana od objavljivanja Javnog poziva.

Predviđena sredstva: 30.000,00 KM.

B 3 Sufinansiranje nabavke nove mehanizacije, priključaka, aparata i druge opreme u poljoprivredi

Pravo na korištenje ovih sredstava će imati poljoprivredni proizvođači koji nabave ili su nabavili dolje navedenu opremu u periodu od 01.09.2021. do dana podnošenja zahtjeva, a da:

- podnosioci zahtjeva niti članovi domaćinstva nisu koristili ovu vrstu podsticaja od Grada Zenice u 2021. godini, osim onih koji su nabavljali UV plastičnu foliju za plastenike;
- imaju mjesečna primanja po članu domaćinstva do 500 KM.

Dolje navedena mehanizacija i oprema će se sufinansirati:

1. Traktori, motokultivatori, balirke za sijeno, samohodne kosačice, kopačice, freze i priključci:
 - u iznosu do 50% vrijednosti nabavljene mehanizacije i priključaka (maksimalan iznos podsticaja je do 5.000,00 KM) za poljoprivredne proizvođače koji su registrovali poljoprivrednu djelatnost kao osnovnu ili dodatnu ,

- u iznosu do 30% vrijednosti nabavljene mehanizacije i priključaka (maksimalan iznos podsticaja je do 3.000,00 KM) za poljoprivredne proizvođače koji su nisu registrovali poljoprivrednu djelatnost.

2. Aparati za mužu krava:

- u iznosu do 50% vrijednosti nabavljenog aparata (maksimalni iznos podsticaja je do 500 KM) za poljoprivredne proizvođače koji su registrovali poljoprivrednu djelatnost,
- u iznosu do 30% vrijednosti nabavljenog aparata (maksimalni iznos podsticaja je do 300 KM) za poljoprivredne proizvođače koji nisu registrovali poljoprivrednu djelatnost.

3. Laktofrizi:

- u iznosu do 50% vrijednosti laktofriza (maksimalni iznos podsticaja je do 3.000,00 KM) koji su registrovali poljoprivrednu djelatnost kao osnovnu ili dodatnu,
- u iznosu do 30% vrijednosti laktofriza (maksimalni iznos podsticaja je do 2.000,00 KM) za poljoprivredne proizvođače koji nisu registrovali poljoprivrednu djelatnost.

4. Sistemi za navodnjavanje "kap po kap":

- u iznosu do 50% vrijednosti sistema (maksimalni iznos podsticaja je do 550,00 KM) za poljoprivredne proizvođače koji su registrovali poljoprivrednu djelatnost kao osnovnu ili dodatnu,
- u iznosu do 30% vrijednosti sistema (maksimalni iznos podsticaja je do 330,00 KM) za poljoprivredne proizvođače koji nisu registrovali poljoprivrednu djelatnost.

5. Motorne prskalice za zaštitu bilja sa spremnikom:

- u iznosu do 50% vrijednosti prskalice (maksimalni iznos podsticaja je do 500,00 KM), za poljoprivredne proizvođače koji su registrovali poljoprivrednu djelatnost kao osnovnu ili dodatnu,
- u iznosu do 30% vrijednosti prskalice (maksimalni iznos podsticaja je do 300,00 KM), za poljoprivredne proizvođače koji nisu registrovali poljoprivrednu djelatnost.

6. Oprema u pčelarstvu (vrčaljke, topionici za vosak, mašina za izradu satnih osnova):

- u iznosu do 50% vrijednosti nabavljene pčelarske opreme (maksimalni iznos je 2.000,00 KM), za poljoprivredne proizvođače koji su registrovali poljoprivrednu djelatnost kao osnovnu ili dodatnu,
- u iznosu do 30% vrijednosti nabavljene pčelarske opreme (maksimalni iznos podsticaja je do 1.300,00 KM) za poljoprivredne proizvođače koji nisu registrovali poljoprivrednu djelatnost.

7. Sušnice za voće, povrće i ljekobilje, sortirke, sirarski kalupi, pakirke za voće, povrće i ljekobilje, hladnjače (panel i rashladni uređaji):

- u iznosu do 50% od vrijednosti navedenih uređaja (maksimalni iznos je do 1.500,00 KM), za poljoprivredne proizvođače koji su registrovali poljoprivrednu djelatnost kao osnovnu ili dodatnu,
- u iznosu do 30% od vrijednosti navedenih uređaja (maksimalni iznos podsticaja je do 900,00 KM), za poljoprivredne proizvođače koji nisu registrovali poljoprivrednu djelatnost.

8. UV plastenička folija:

- u iznosu do 50% vrijednosti nabavljene UV folije za površinu plastenika od 200m² (maksimalni iznos podsticaja je do 400,00 KM), za poljoprivredne proizvođače koji su registrovali poljoprivrednu djelatnost kao osnovnu ili dodatnu,
- u iznosu do 30% vrijednosti nabavljene UV folije za površinu plastenika od 200 m² (maksimalni iznos podsticaja je do 250 KM), za poljoprivredne proizvođače koji nisu registrovali poljoprivrednu djelatnost.

9. Nabavka manjih silosa za skladištenje žitarica :

- u iznosu do 50% vrijednosti silosa (maksimalni iznos podsticaja je do 3.000,00 KM) koji su registrovali poljoprivrednu djelatnost kao osnovnu ili dodatnu,
- u iznosu do 30% vrijednosti silosa (maksimalni iznos podsticaja je do 2.000,00 KM) za poljoprivredne proizvođače koji nisu registrovali poljoprivrednu djelatnost.

Podsticaj se može ostvariti samo po za jednu od gore navedenih stavki.

Grad Zenica će sa odabranim podnosiocima zahtjeva potpisati ugovore kojima će biti regulisana međusobna prava i obaveze.

Mehanizacija, priključci, aparati i druga oprema koja je nabavljena na lizing, polovna ili putem komisije prodaje neće se uzimati u razmatranje i zahtjev će biti odbijen.

Uz zahtjev za podsticaj podnosilac treba dostaviti sljedeću dokumentaciju:

1. Ovjerenu kopiju Rješenja o registraciji (za registrovane obrte) za navedenu djelatnost;
2. Račun ili predračun za kupljenu mehanizaciju, priključke, aparate i drugu opremu (član 107. Pravilnika o primjeni Zakona o porezu na dodatu vrijednost „Službeni glasnik, BiH“ br. 93/05, 21/06, 60/06, 6/07, 100/07, 38/08, 65/10), (original ili ovjerena kopija);
3. Ovjerenu izjavu podnosioca zahtjeva da nabavljena mehanizacija, priključci, aparati i druga oprema u poljoprivredi neće biti prodana ili otuđena u periodu od 2 godine od trenutka dobijanja podsticaja;
4. Ovjerenu kućnu listu;
5. Za sve punoljetne članove domaćinstva potvrdu o mjesečnim primanjima (zadnja tri mjeseca), potvrdu Zavoda za zapošljavanje ili potvrdu o školovanju;
6. Potvrdu o otvorenom aktivnom računu;
7. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerena kopija).

Rok za podnošenje zahtjeva je 30 dana od dana objavljivanja Javnog poziva.

Predviđena sredstva : 40.000,00 KM.

B 4 Sufinansiranje projekata iz oblasti poljoprivrede

Sredstava su predviđena za učešće u projektima nevladinih, humanitarnih organizacija, a koji će omogućiti zapošljavanje i unapređenje poljoprivredne proizvodnje na području Grada. Grad učestvuje sa dijelom sredstava u zavisnosti od uslova koji su propisani pojedinim projektima.

Potrebna dokumentacija za ostvarivanje podsticaja će biti navedena u Javnom pozivu.

Predviđena sredstva za ovu namjenu 20.000,00 KM.

B 5 Podrška proizvođačima koji izlažu proizvode na sajmovima

Pravo na ovu podršku imaju poljoprivredni proizvođači koji izlažu svoje poljoprivredne proizvode na sajmovima, a registrovani su kao poljoprivredni proizvođači koji imaju registrovanu poljoprivrednu djelatnost ka osnovnu.

Uz zahtjev za podsticaj podnosilac treba dostaviti sljedeću dokumentaciju:

1. Račun na ime podnosioca zahtjeva izdat od strane organizatora sajma (original ili ovjerena kopija)
2. Potvrdu banke o otvorenom računu
3. Ovjerenu izjavu o tačnosti podataka
4. Uvjerenje o izmirenim dospjelim poreskim obavezama za tekuću godinu (original ili ovjerena kopija)

Rok za podnošenje zahtjeva: 10.12.2022. godine

Predviđena sredstva : 2.000,00 KM.

B 6 Sufinansiranje zapošljavanja dipl.ing poljoprivrede u Zadruzi

Zadnjih godina je na području Grada povećana i proširena poljoprivredna proizvodnja u različitim oblastima. Evidentno je da su poljoprivredni proizvođači većinom prepušteni sami sebi u smislu da nemaju dovoljno savjetodavnih usluga, pomoći prilikom podnošenja zahtjeva za podrške i projekte sa drugih nivoa vlasti i organizacija. Pored toga izražen je problem u plasmanu viškova poljoprivrednih proizvoda kod onih proizvođača koji nemaju ugovorene proizvodnje. Za sada proizvođači kravljeg mlijeka, krastavca kornišona i jagodičastog voća imaju obezbijeđen plasman svojih proizvoda. Zbog gore navedenog i sugestija poljoprivrednih proizvođača predlažemo da se sufinansira zapošljavanje dipl.ing poljoprivrede u jednoj od Zadruga registrovanih na području Grada Zenica.

Potrebna dokumentacija i ispunjavanje uslova za ostvarivanje prava na sufinansiranje će biti navedena u Javnom pozivu.

Predviđena sredstva: 7.000,00 KM

B 7 Edukacije za poljoprivredne proizvođače

Da bi se u poljoprivrednoj proizvodnji povećali prinosi i dobiti, neophodne su edukacije. Edukacije su potrebne za oblasti zaštite bilja, zdravstvene zaštite u animalnoj proizvodnji, ispunjavanja propisanih standarda u proizvodnji hrane. Shodno tome, Služba planira sufinansirati troškove organizovanja stručnih edukacija za registrovane poljoprivredne proizvođače.

Javni poziv za edukacije bit će objavljen do kraja maja 2022. godine

Predviđena sredstva za ovu namjenu su 4.000,00 KM

C OSTALA IZDVAJANJA U POLJOPRIVREDI

C 1 Ugovorene obaveze prema korisnicima iz prethodnih godina

U skladu sa potpisanim ugovorima o realizaciji podsticaja za refundaciju troškova obaveza doprinosa (PIO, zdravstveno osiguranje i osiguranje od nezaposlenosti) za registraciju poljoprivredne djelatnosti, obaveza Grada je da registrovanim poljoprivrednim proizvođačima iz 2020. i 2021. godine refundira obaveze za period od tri godine. Sredstva iz ove tačke će se isplatiti i drugim preuzetim obavezama koja se nisu iz objektivnih razloga realizovale do kraja prethodne godine, te obaveze prema ugovorima iz prethodnih godina.

Predviđena sredstva : 4.000,00 KM.

C 2 Podrška proizvođačima koji imaju tržišne viškove iz 2021. godine

Poljoprivredni proizvođači su i ove godine prijavili poljoprivredne viškove koje ne mogu plasirati na tržište i to: krompir, crni luk i jabuke. Na 19. sjednici Gradskog vijeća održanoj 10.02.2022. godine usvojen je Zaključak broj: 01-45-2650/22 da se poljoprivrednim proizvođačima koji imaju viškove krompira, crnog luka i jabuke pomogne u rješavanju istih.

Na osnovu prikupljenih podataka o viškovima i potreba iskazanih od strane Udruženja penzionera Grada Zenica, od poljoprivrednih proizvođača će se preuzeti sljedeće količine:

- krompir cca. 43.300 kg po cijeni od 0,90 KM/kg pakovan u vrećicama po 10 kg,
- crni luk cca. 3.300 kg po cijeni od 1,00 KM/kg pakovan u vrećicama po 2 kg,
- jabuke cca. 8.800 kg po cijeni od 1,00 KM/kg u gajbama.

Kriteriji koji su potrebni za ovu vrstu podrške su :

1. Da je poljoprivredni proizvođač za proizvodnju, u kojoj ima tržne viškove u 2021. godini, istu prijavio u RPG i RK.
2. Da su poljoprivredni proizvodi zdravstveno ispravni, bez vidljivih oštećenja, bez klica, bez primjesa zemlje i drugih primjesa koji mogu narušiti kvalitet proizvoda.
3. Da predaju svoje proizvode na skladište Grada Zenice - Streljana i to pakovane u mrežaste PVC vreće gdje će na svakoj vreći biti upisano: ime, prezime i adresa proizvođača (krompir i luk).

Distribuciju prikupljenih gore navedenih proizvoda će vršiti Udruženje penzionera Zenice po svojim kriterijima. Udruženje penzionera je dužno u roku od 30 dana po preuzimanju poljoprivrednih proizvoda podnijeti izvještaj Službi za privredu, gradsku imovinu i upravljanje razvojem sa spiskovima korisnika koji su dobili iste.

Napomena: Poljoprivredni proizvođači koji pređu limit od 5.000,00 KM koji su registrovani kao fizička lica, neće moći ostvariti podsticaje u biljnoj i animalnoj proizvodnji.

Predviđena sredstva 51.500,00 KM.

STUPANJE NA SNAGU

Ovaj program stupa na snagu danom donošenja istog, a biti će objavljen u „Službenim novinama Grada Zenica“.

Broj: 01- 45-4078 /22
Zenica, 22.02.2022. godine



PREDSJEDAVAJUĆI
GRADSKOG VIJEĆA ZENICA

Mirza Husetić

DOSTAVLJENO:

1x Gradonačelnik

(putem Službe kabineta Gradonačelnika)

1x Služba za privredu, gradsku imovinu i upravljanje razvojem

1x „Službene novine Grada Zenica“

1x Stručna služba Gradskog vijeća

1x a/a